

ai 12 di Avrîl 2026
di AQUILEE a GLEMONE

FURL-RUN

la corse pal furlan



CE ISE LA **FURL-RUN** ?

La “**FURL-RUN la corse pal Furlan**” e je la prime corse dedicate ai paîs, ae int, ae culture e ae lenghe dal Friûl.

E je une manifestazion popolâr di musiche e fieste, e la sô prime, inedite edizion e partirà chest anin date ai **12 di Avrîl dal 2026!**

La corse e tacarà aes **6:00** di buinore de Basiliche di Aquilee e e larà dilunc par **120km** fin a **Glemone**, dulà che la rivade e je previodude pes oris **18:00**.

La **FURL-RUN** si disviluparà passant **26 Comuns** dal **Friûl** che a fasin part de **ACLIF** (*Assemblee de Comunitât Linguistiche Furlane*).

Intes placis principâls di ogni Comun i acompagnadôrs uficiâi “**I FURLANS A MANETE**” e “**I SBANDIERADÔRS LEON CORONATO DI SPILIMBERC**” dilunc dal passaç de corse, a saran protagoniscj di moments di fieste, musiche e ligrie adun cu lis comunitâts dai paîs!

Dilunc di ducj i **120km** de manifestazion:

- il corteu al varà denant un furgon e dai motociclis che a garantiran la sigurece e il passaç intai ponts nevralgjics dal percors;
- il corteu al varà daûr une **ambulance** che e sierarà il grup e e garantirà sicurece e eventuâl socors ai participants.

La corse e larà indenant a un pas di **6 minûts al chilometri** par ducj i **120km**, garantint un ritmi e une velocitât acessibile ancje a chei mancul alenâts!

Al sarà previodût un grup costant di coridôrs che a fasin part di grups podistics regjonâi, che al vuidarà il corteu puartant il strisson “**FURL- RUN la corse pal furlan**”.

Sul furgon denant il corteu, al sarà un **DJ/vocalist** che al varà l'unic compit di fâurs divertî e gjoldi il miôr pusibil il paisaç straordenari dai borcs dal Friûl!

In struc, la  e je:

- **NO competitive:** e je une corse popolâr, no une gare;
- **VIERTE A DUCJ:** ancje al mont de disabilitât (chist an no a lis bicicletis);
- **SIGURE:** dutis lis normis di sigurece a son stadis previodudis e a saran respetadis second lis normis di leç;
- **GRATUITE:** no coste assolutamente nuje, no covente nissune regjstrazion: unissiti e côr cun nô!
- **LIBARE:** si pues jentrâ di cualsisedi part dal percors e saltâ fûr in cualsisedi moment, si pues cori tant e trop che si vûl;
- **GAUDIOSE:** dilunc di ducj i 120km il corteu al varà denant un DJ/vocalist che al mantignarà un ritmi di fieste e ligrie;
- **ORARIE:** e tacarà aes 6:00 di buinore di Aquilee e e rivarà aes 18:00 a Glemone;
- **FURLANE:** vlstissiti cemût che ti va miôr, ma se tu vuelis, puarte cun te une bandiere dal Friûl o alc leât ae nestre tiere, al coventarà in cualchi mût a promovile;
- **UNICHE:** tant che il maraveôs teritori che e travierse!

Duncje: **prepariti**, la corse e sta spietant dome **te!**

IL TESTEMONI

La "FURL-RUN la corse pal furlan" e varà tant che protagonist un cjossul particolâr: un **testemoni**.

Cence volê fâ spiei azardâts, la idee dal testemoni e sarà simile a chê de fogule olimpiche.



Dulinvie de corse, e sarà une persone che e puartarà il testemoni cun la acule e la bandiere dal **Friûl**: un simbul di **ricognossince**, di **promozion** e **vicinanze** ae nestre maraveose tiere!

Il testemoni nol puartarà dome la nestre bandiere: dentri al sarà presint un test, un **manuscrit** pensât di trê inteletuâi furlans che al contignarà un messaç pe **culture**, il **popul** e la **lenghe furlane**.
Il test al vignarà let ae rivade de corse a Glemone.

La idee e je che cui cal parte il testemoni, si fâs puartadôr de **savietât** de nestre tiere, si fâs partevôs ideâl de nestre **identitât** furlane.

Il testemoni nol sarà puartât di une persone sole, ma al passarà di une man in chê altre, tignint dongje lis nestrîs individualitâts intune uniche comunitât che e condivîl l'amôr par cheste tiere.

Par chest, il testemoni al sarà assegnât ogni km a une persone diferente; 26km a son bielzà assegnâts ae 26 amministrazioni dai 26 Comuns che a saran traversâts de corse: ma chei altris 94km a son ancjemò ducj di assegnâ!

LA LOTARIE

I 94 diviers puartadôrs dal testemoni de prime



la corse pal furlan a vignaran

assegnâts midiant l'acquist dai biliets de lotarie.

O vin pensât che la miôr maniere par promovi il nestri teritori, e fos chê di inmaneâ une lotarie e che i premis a fossin i prodots tipics de nestre tiere, prodots, o podaressin dî: **TIPICAMENTI FURLANS**.

Par chest, par chei che a vuelin vê il plasè di puartâ il testemoni ae “**FURL- RUN la corse pal furlan**”, al bastarà cuistâ 50 biliets (dal valôr di **2€ a biliet**, duncje totâl 100€), midiant chei no dome a varan la pussibilitât di puartâ il testemoni par 1km ma a sostignaran ancje i prodots tipics de nestre tiere, e cu la juste fortune ju puartaran ancje a cjase!

La lotarie e je **pensade par** fâ partecipâ no dome i **privâts**, ma ancje lis **aziendis** e lis **associazions** dal nestri teritori, che une volte sielt un lôr rapresentant e cuistâts i biliets, a podaran scrivi il lôr non su chel km e puartâ a lôr non il testemoni.

I **premis** de **lotarie** a vignaran consegnâts la sere dal **12 avrîl a Glemone**, ae rivade de corse tôr lis oris **18:30**.

Ocjo: la partecipazion ae lotarie e je **volontarie** e no je obligatorie par la partecipazion ae corse "**FURL-RUN la corse pal furlan**".

INFORMAZIONS

Il rigjâf de lotarie al vignarà dât ae **ASD ASF Associazion Sportive Furlane**, inmaneadore di chest event e ative ogni dì sul teritori par tutelâ, promovi e difindi la lenghe e la culture furlane traviers il sport.

Scuvierç di plui sul nestri impegn cuotidian chi:

<https://www.facebook.com/ASFASSOCIAZIONSPORTIVEFURLANE>

Par cualsisedi informazion su la “**FURL-RUN la corse pal furlan**” sui premis de lotarie e cemût cuistâ i biliets smicje il **QR CODE** chi sot o scrivinus:



Telefonin: +39 329 3708134


Pueste: associazionsportivefurlane@gmail.com

I 26 COMUNI

Aquilee, Tierç, Çarvignan, Rude, Dael, Sant Vît de Tôr, Visc, Trivignan, Sante Marie la Lungje, Bicinins, Mortean, Listize, Puçui, Cjampfuarmit, Pasian di Prât, Udin, Tavagnà, Pagnà, Murùs, Feagne, Rivis Darcjan, Sant Denêl, Maian, Bule, Dartigne, Glemone.

Link al percors:

https://www.google.com/maps/d/edit?mid=1Lxswt5NKNFVb0pjc_57CtdERRk-bfdU&usp=sharing



Un projet coletîf, des mans che si strenzin e un testimoni che al cor al pas de nestre tiere: graciis a ducj chei che a parteciparan, si viodìn ai 12 di Avrîl!

ASF Associazione Sportive Furlane



La **FURL-RUN** la corse pal furlan e je une

corse libare, no competitive e gratuite, pensade par stâ insiemi e par sostignî la nestre lenghe.

Ognidun al partecipe in maniere **volontarie** e **cussiente**, cjapantsi sù la **responsabilitât** de proprie partecipazion.

ASF Associazione Sportive Furlane